

### ԱՐՁԱՆԱԳՐՈՒԹՅՈՒՆ N3

« ԵՔ-ԲՄԽԾՁԲ-21/21» ծածկագրով բաց մրցույթի գնահատող հանձնաժողովի նիստի Նիստի անցկացման՝

-վայրը՝ Երևանի քաղաքապետարանի վարչական շենք (ք. Երևան, Արգիշտիի փողոց 1), 321/1 սենյակ.

-օրը՝ 27.01.2021թ.,- ժամը՝ 15:00

**Հանձնաժողովի նախագահ՝** Ա. Կիրակոսյան

**Հանձնաժողովի անդամներ** Ա. Ղալումյան, , Կ. Հարությունյան, Ռ. Աբրահամյան, Կ. Անտոնյան

**Հանձնաժողովի քարտուղար՝** Բ. Արամյան

Ընդունելի գիտություն, որ «ԴԱԴԻ ԻՆՎԵՍՏ» ՍՊԸ -ի կողմից 27.01.2021 թվականին « ԵՔ-ԲՄԽԾՁԲ-21/21» ծածկագրով գնման ընթացակարգի վերաբերյալ ստացվել է պարզաբանման հարցում.

#### Հարցադրում

Մրցույթի հրավերի մեջ „Պիտանելիության չափորոշիչներ,, բաժնում որևէ պահանջ չկա տեխնիկական լիցենզիաների և համապատասխան ներդիրների մասով: Օրինակ, եթե մասնակիցը ունի լիցենզիա՝տեխնիկական ,բայց միայն մեկ ներդիր բնակելի հասար. և արտադր. շինարարության, իսկ ընդհանուր շինարարական աշխատանքների մեջ առկա են նաև հիդրո աշխատանքներ կամ էներգո աշխ., արդյոք կարող է մասնակցել մրցույթին և իրականացնել տեխնիկական լիցենզիաների: Եթե մրցույթի հայտարարության մեջ կոնկրետ պահանջը չկա, ապա հետագայում ինչ գործընթացներում և ով կարող է պահանջել այդ լիցենզիաները: Ենթադրվում է, որ եթե պատվիրատուն ի սկզբանե իր մրցույթի հայտարարության մեջ նման լիցենզիաների առկայության պահանջ չի շեշտել, ապա հետագայում նույնպես իրավասու չէ պահանջել: Նման խնդիրներ առկա են նաև բոլոր նմանատիպ մրցույթի հայտարարություններում: Խնդրում ենք պարզաբանել:

Շնորհակալություն:

#### Գնահատող հանձնաժողովի կողմից տրված պարզաբանում

##### Պարզաբանում

Չնայած որ հրավերով չի նշվում լիցենզիայի և ներդիրների վերաբերյալ, սակայն գործունեությունը համարվում է լիցենզավորման ենթակա գործունեություն, ուստի՝ կախված շինարարության ոլորտից՝ մասնակիցը պետք է ունենա լիցենզիա և ներդիրներ՝ ըստ համապատասխան ոլորտների:

Համաձայն ՀՀ կառավարության 2009 թվականի հուլիսի 2-ի N 775-Ն որոշման 5-րդ կետի՝

-Անձը սույն կարգի 6-րդ կետով սահմանված ցանկացած ոլորտում կարող է զբաղվել շինարարության որակի տեխնիկական հսկողության գործունեությամբ, եթե նա ստացել է շինարարության որակի տեխնիկական հսկողության (բացառությամբ շինարարության թույլտվություն չպահանջող աշխատանքների և «Լիցենզավորման մասին» Հայաստանի Հանրապետության օրենքի 43-րդ հոդվածով հաստատված աղյուսակի 17-րդ բաժնի 3-րդ կետով նախատեսված այլ դեպքերի) գործունեության իրականացման լիցենզիա և լիցենզիային կից համապատասխան ոլորտի աշխատանքներ իրականացնող պատասխանատու անձի (անձանց) լիցենզիայի ներդիր (ներդիրներ):



Համաձայն նույն որոշման 8-րդ կետի՝

Շինարարության որակի տեխնիկական հսկողության գործունեության իրականացման լիցենզիա ստացած անձինք կարող են գործունեություն իրականացնել սույն կարգի 6-րդ կետով սահմանված ոլորտներից որևէ մեկում կամ ոլորտներում, եթե լիցենզավորող մարմնի կողմից ստացել են համապատասխան ոլորտի (ոլորտների) աշխատանքներ իրականացնող պատասխանատու անձանց լիցենզիայի ներդիր (ներդիրներ):

Ընդունվել է որոշում՝

կողմ-5

դեմ-0

Հանձնաժողովի Նախագահ՝		Ա. Կիրակոսյան
Անդամներ՝		Ա. Ղալումյան
		Կ. Հարությունյան
		Ռ. Աբրահամյան
		Կ. Անտոնյան
Քարտուղար՝		Բ. Արամյան